

**2022 йилнинг I ярим йиллик амалга оширилган импорт ҳажми ҳамда импортни қисқартириш бўйича кўрилаётган чора-тадбирлар тўғрисида
МАЪЛУМОТ**

ИНФОРМАЦИЯ

**об объемах импорта и принятых мерах по сокращению импорта
в I полугодии 2022 года**

I. Комбинат томонидан амалга оширилган импорт таҳлили.

2022 йилнинг январь-июнь ойларида комбинат бўйича маҳсулот ва хизматлар импорти ҳажми **55,4** млн. долларни ташкил этди.

“Навой КМК” АЖнинг маҳсулот ва хизматлар импорти таркиби қуйидагича:

1. машина ва ускуналар – **23,4** млн. доллар (улуши 42,2 %), шу жумладан:

- 3 дона кон самосваллари – 1,8 млн. доллар;
- 2 дона шахта ер ости машинаси – 8,2 млн. доллар;
- 2 дона юкортиш-етказиб бериш машинаси – 0,8 млн. доллар;
- 4 дона аралаштириш-зарядлаш машинаси – 1,7 млн. доллар;
- 2 дона кўп функцияли шахта машинаси – 0,6 млн. доллар;
- 2 дона бурғулаш дастгоҳи – 1,1 млн. доллар;
- 1 дона электр экскаватори – 8,0 млн. доллар;
- 2 дона ғилдиракли булдозер – 0,2 млн. доллар;
- ва бошқа ускуналар (универсал ишга тушириш қурилмаси, мой станцияси и т.д.) – 1,0 млн. доллар.

2. бутловчилар ва эҳтиёт қисмлар **4,9** млн. доллар (8,8%), шу жумладан:
– карьер техникасига эҳтиёт қисмлар – 3,7 млн. доллар;
– бурғулаш дастгоҳларига эҳтиёт қисмлар ва беғараз асосда олиб кирилган бошқа қисмлар – 1,2 млн. доллар;

3. хом ашё ва материаллар (портлашларни юзага келтирувчи воситалар, шиналар ва бошқалар) – **13,8** млн. доллар (25,0 %);

4. хизматлар – **13,3** млн. доллар (24,0 %).

Комбинатнинг асосий фаолиятига тааллуқли бўлмаган, Маҳаллийлаштириш дастури доирасида ишлаб чиқариладиган маҳсулотлар импорти, шу жумладан оффшор ҳудудлардан импорт амалга оширилмади.

II. Комбинат бўлинмалари қувватларида маҳаллийлаштирилган маҳсулотлар ишлаб чиқариш.

2022 йилнинг январь-июнь ойларида Маҳаллийлаштириш дастури доирасида жами 140 та лойиҳа бўйича **282,6** млрд. сўмлик ёки давр прогнозига нисбатан 101,9 %га маҳсулотлар ишлаб чиқарилди.

Комбинат томонидан ишлаб чиқариладиган ҳамда бошқа корхона ва ташкилотларга сотиш учун мўлжалланган 191 турдаги маҳсулотлар ва хизматлар электрон кооперация порталига жойлаштирилди.

2022 йилнинг январь-июнь ойларида Электрон кооперация портали орқали маҳсулотларни сотиш бўйича жами 9,5 млрд. сўмлик 31 та шартнома имзоланиб, шундан 7,1 млрд. сўмлик 14 та шартнома ёки 74,0 %и ижро этилди.

Бундан ташқари, 2022 йилги Маҳаллийлаштириш дастурига киритиш учун умумий қиймати 29,2 млрд. сўм бўлган 11 та янги лойиҳа таклифлари Инвестициялар ва ташқи савдо вазирлигига тақдим этилди.

III. Маҳаллий ишлаб чиқарувчилар билан кооперация алоқаларини кенгайтириш ва кооперация ҳисобига импортни оптималлаштириш.

2022 йилнинг январь-июнь ойларида саноат кооперацияси доирасида маҳаллий ишлаб чиқарувчилардан харид қилинган маҳсулотлар ҳажми **2 291,9** млрд. сўми ва 2021 йилнинг мос даврига нисбатан 146,9 %ни ташкил этди.

Жумладан электрон кооперация портали орқали маҳсулотларни сотиб олиш бўйича жами 2 038,3 млрд. сўмлик 4 481 та шартнома имзоланиб, шундан 891,4 млрд. сўмлик 1 422 та шартнома ёки 43,7 %и ижро этилди. Қолган шартномаларнинг ижроси белгиланган муддатларда таъминланади.

Комбинатнинг 2022 йилга мўлжалланган “Йўл харитаси”га асосан, импорт бўйича олиб кириладиган маҳсулотлар ишлаб чиқаришни маҳаллийлаштириш ва тармоқлараро саноат кооперациясини кенгайтириш ҳисобига импортни қисқартиришнинг мақсадли кўрсаткичлари **40,5** млн. долларни ташкил этди.

Шундан, Ўзбекистон Республикаси Президентининг 2022 йил 24 январдаги ПҚ-99-сонли қарорининг 3-иловасига асосан, 83 та лойиҳада **23,9** млн. доллар эквивалентида (272,6 млрд. сўм) ёки прогнозга нисбатан 102,8 %га маҳсулотлар харид қилинди.

Бундан ташқари, маҳаллий ишлаб чиқарувчилар билан тармоқлараро саноат кооперациясини ривожлантириш ҳисобига импортни қисқартириш бўйича амалга оширилган ишлар доирасида қўшимча равишда умумий қиймати 11,0 млн. доллар бўлган 33 турдаги импорт ўрнини босувчи маҳсулотлар харид қилинди.

Жорий йилда маҳаллий ишлаб чиқарувчилар билан ҳамкорликда уларнинг қувватларида Ф-2475 ва Ф-3100 аралаштиргич лопастлари (“Gidro Stanko Servis” МЧЖ), тожли ва чўктирма электродлар, сифонли компенсатор (“Navpromlitmash” МЧЖ), кўп функцияли ўлчов жиҳози (“Karmana-Sharqona Invest” МЧЖ), мойланган тормоз накладка ва колодкалари (“Stalmet Group Service” ХК), совутиш суюқлиги (“Chilon Lubricants” МЧЖ), тескари осмос, сув фильтри (“Эко Компани” ХК), импорт техникалар (CAT, Hitachi, БелАЗ) учун юқори босимли шланглар (“Hydro Component” МЧЖ), сульфит-спиртли бардалар (“АХ Trading” МЧЖ) каби янги турдаги импорт ўрнини босувчи маҳсулотлар ўзлаштирилди.

Шунингдек, “Навоий КМК” АЖ томонидан 2022 йилда янги маҳсулотларни ишлаб чиқариш ва мавжуд қувватларни кенгайтириш ҳамда саноат кооперациясини кенгайтиришга қаратилган лойиҳаларни амалга ошириш бўйича тармоқ жадваллари ва Йўл хариталари Инвестициялар ва ташқи савдо вазирлигига тақдим этилган.

Маҳаллий корхоналар томонидан ўзлаштириш учун импорт хом ашё ва материаллар тўғрисидаги маълумотлар комбинат веб-сайти (<https://www.ngmk.uz/>) ва комбинатнинг Электрон кооперация порталидаги онлайн-кўргазмасида (<http://ngmk.cooperation.uz/>) жойлаштирилган.

Бундан ташқари, 2023-2026 йилларда янги маҳсулотларни sanoat кооперацияси асосида маҳаллий ишлаб чиқарувчиларда ўзлаштириш мақсадида, комбинат бўйича келиб чиқиши импорт бўлган маҳсулотлари рўйхати “Ўзкимёсаноат” АЖ, “Ўзметкомбинат” АЖ, “Тошкент қувур заводи” МЧЖ ҚК, “Ўзбекистон темир йўллари” АЖ, “Тошкент металлургия заводи” МЧЖ, “Ўзэлтехсаноат” уюшмаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига юборилди.

2022-2025 йилларда “Навоийазот” АЖ томонидан натрий тетраборат (бура), кўрғошин нитрат, юқори молекуляр полиакриламид гель, натрий триполифосфатни ўзлаштириш ва тиомочевина ишлаб чиқаришни кенгайтириш кўзда тутилган.

Комбинат томонидан харид қилиниши кўзда тутилган, келиб чиқиши импорт бўлган товарлар тўғрисидаги маълумотларни Электрон кооперация порталининг “Импорт муқобили бўйича сўров юбориш” бўлимига жойлаштириш орқали уларни ўзлаштириш бўйича потенциал ишлаб чиқарувчиларни аниқлаш бўйича ишлар олиб борилмоқда.

“Навоий КМК” АЖ 2022 йил 3-4 март Жиззах, 15-16 март Сирдарё, 14-15 апрел Самарқанд, 5-6 май Сурхондарё, 26-27 май Наманган, 9-10 июн кунлари Фарғона вилоятлари ҳудудий sanoat ярмаркаларида иштирок этди. Ушбу ҳудудий ярмаркаларда маҳсулотларни харид қилиш бўйича 744,0 млрд. сўмлик 989 та шартномалар тузилди.

Комбинат томонидан тузилган меморандумлар ва “Йўл хариталари” ижросини таъминлаш мақсадида, йил якунига қадар “шатакка олиш” механизмини қўллаш орқали маҳаллий ишлаб чиқарувчиларнинг қувватларида пневматик перфоратор, фаоллашган кўмир, антинакипин, депрессор, “Valeron” махсус плёнкаси каби янги турдаги импорт ўрнини босувчи маҳсулотларни маҳаллийлаштириш, шунингдек ферромарганец ва арматура ишлаб чиқариш ҳажмларини ошириш бўйича ишлар амалга оширилмоқда.

Навоий КМК томонидан ишлаб чиқаришни маҳаллийлаштириш ва sanoat кооперациясини кенгайтириш ҳисобига импортни қисқартириш бўйича ишлар давом эттирилади.